



Broj:03-1203-2/24

Sarajevo, 22.11.2024. godine

Na osnovu člana 13. stav (2) Zakona o ravnopravnosti spolova u BiH („Službeni glasnik BiH“ br., 32/10), člana 9. Zakona o radu („Službene novine Federacije BiH“, broj: 26/16, 89/18, 44/22 i 39/24) i člana 3. Pravilnika o radu Kantonalne javne ustanove za zaštićena prirodna područja broj: 01-609 U.O./19 od 04.04.2019. godine i te Smjernica za preduzimanje efikasnih mjera za sprečavanje i zaštitu od uznemiravanja na osnovu spola i seksualnog uznemiravanja na radnom mjestu u Kantonalnoj javnoj ustanovi za zaštićena prirodna područja donosi se

ODLUKA

o politici nulte tolerancije prema djelima seksualnog uznemiravanja i uznemiravanja na osnovu spola

Član 1.

Kantonalna javna ustanova za zaštićena prirodna područja je opredijeljena da osigura radnu sredinu bez seksualnog uznemiravanja i uznemiravanja na osnovu spola za sve osobe.

Član 2.

(1) Niko nema pravo da seksualno uznemirava ili uznemirava na osnovu spola bilo koju osobu na radnom mjestu i u vezi sa radom.

(2) Navedeno se posebno odnosi na:

- Pravo na radnu sredinu bez seksualnog uznemiravanja i uznemiravanja na osnovu spola;
- Obavezu reagovanja kada su druge osobe žrtve seksualnog uznemiravanja i uznemiravanja na osnovu spola;
- Obavezu prijavljivanja seksualnog uznemiravanja i uznemiravanja na osnovu spola;
- Pravo na povjerljivost podataka u internom postupku.

Član 3.

(1) Seksualno uznemiravanje ili uznemiravanje na osnovu spola su zabranjeni zakonima Bosne i Hercegovine.

(2) Ovim propisima je utvrđeno da seksualno uznemiravanje i uznemiravanje na osnovu spola postoji kada se radi o ponašanju koje je

- neželjeno;
- verbalno, neverbalno ili neprimjereno fizičko ponašanje;
- seksualne prirode ili na osnovu spola;

- zastrašujuće, neprijateljsko, degradirajuće, ponižavajuće ili uvredljivo ili kojim se postiže takav učinak.

Član 4.

Kantonalna javna ustanova za zaštićena prirodna područja će poduzeti sve mjere utvrđene pozitivnim propisima kako bi se ispitale sve okolnosti vezane za seksualno uznemiravanje i uznemiravanje na osnovu spola na rad i u radnim odnosima, te će osigurati da osoba koja prijavi ova djela neće trpiti posljedice zbog te činjenice.

Član 5.

Svako ima pravo da podnese zahtjev/prijavu za pokretanje postupka ukoliko smatra da je seksualno uznemiravan i uznemiravan na osnovu spola.

Član 6.

Odluka stupa na snagu danom donošenja i biće objavljena na oglasnoj ploči Kantonalna javna ustanova za zaštićena prirodna područja i na službenoj internet stranici Kantonalna javna ustanova za zaštićena prirodna područja.

Dostaviti:

1. Gender Centar Federacije Bosne i Hercegovine
2. Na znannje svim zaposlenim putem oglasnik, prostora
3. Za web stranicu Javne ustanove
4. Arhivi Javne ustanove